

象堅窳堵波北山巖下有一龍泉是如來受
神飯已及阿羅漢於中漱口嚼楊枝因即植
根今為茂林後人於此建立伽藍名鞞鐸佉
唐言晉自此東行六百餘里山谷接連峯巖
峭峻越黑嶺入北印度鏡至濫波國北印
度鏡

二十末

大唐西域記卷第一

梳羊歲區切免他兮切匪他兮切婪坤舍襄薛慎之業功
霄蘇立切穆士向切齒胡謹切

大唐西域記卷第二

轉二

三藏法師玄奘奉詔譯
大德持寺沙門辯機撰

三國

濫波國 那揭羅曷國 健馱羅國
詳夫天竺之稱異議糾紛舊云身毒或曰賢

且今從正音宜云印度印度之人隨地稱國
殊方異俗遙舉摠名語其所美謂之印度印
度者唐言月月有多名斯其一稱言諸群生
輪迴不息無明長夜莫有司晨其猶白日既
隱宵燭斯繼雖有星光之照豈如朗月之明
有緣斯致因而譬月良以其土聖賢繼軌道

凡御物如月照臨由是義故謂之印度印度
種姓族類群分而婆羅門特為清貴從其雅
稱傳以成俗無云經界之別摠謂婆羅門國
焉若其封壇之域可得而言五印度之境周
九萬餘里三垂大海北背雪山北廣南狹形
如半月畫野區分七十餘國時特暑熱地多

泉濕北乃山阜隱軫丘陵濕漚東則川野沃
潤疇壠膏腴南方草木榮茂西方土地磽确
斯大槩也可略言焉夫數量之稱謂踰繕那
舊曰由旬又曰踰闍那踰繕那者自古聖王
又曰由延皆訛略也
一日軍行也舊傳一踰繕那四十里矣印度
國俗乃三十里聖教所載唯十六里窮微之

數分一踰繕那為八拘盧舍拘盧舍者謂大
牛鳴聲所極聞拘盧舍分一拘盧舍為五百
弓分一弓為四肘分一肘為二十四指分一
指節為七宿麥乃至虱蟻隙塵牛毛羊毛兔
毫銅水次第七分以至細塵細塵七分為極
細塵極細塵者不可復析析即歸空故曰極

微也若乃陰陽曆運日月次舍稱謂雖殊時
候無異隨其星建以標月名時極短者謂刹
那也百二十刹那為一呬刹那六十呬刹那
為一臘縛三十臘縛為一牟呼栗多五牟呼
栗多為一時六時合成一日一夜晝三夜三居俗
日夜分為八時晝四夜四於一月盈至滿謂

之白分月虧至晦謂之黑分黑分或十四日
十五日日月有小大故也黑前白後合為一月
六月合為一行日遊在內北行也日遊在外
南行也揔此二行合為一歲又分一歲以為
六時正月十六日至三月十五日漸熱也三
月十六日至五月十五日盛熱也五月十六

轉二

二

餘

日至七月十五日兩時也七月十六日至九
月十五日茂時也九月十六日至十一月十
五日漸寒也十一月十六日至正月十五日
盛寒也如來聖教歲為三時正月十六日至
五月十五日熱時也五月十六日至九月十
五日兩時也九月十六日至正月十五日寒
時也或為四時春夏秋冬也春三月謂制呬
邏月吠舍佉月逝瑟吒月當此從正月十六
日至四月十五日夏三月謂頰沙茶月室羅
伐拏月婆達羅鉢陀月當此從四月十六日
至七月十五日秋三月謂頰濕縛庫蘭月迦
刺底迦月未伽始羅月當此從七月十六日
至十月十五日冬三月謂報沙月磨祛月頗
勒蜜拏月當此從十月十六日至正月十五
日故印度僧徒依佛聖教坐兩安居或前三
月或後三月前三月當此從五月十六日至
八月十五日後三月當此從六月十六日至
九月十五日前代譯經律者或云坐夏或云

以為首飾環釧瓔珞而作身佩其有富商大賈唯釧而已人多徒跣少有所履漆其牙齒或赤或黑齊髮穿耳脩鼻大眼斯其貌也夫其潔清自守非矯其志凡有饌食必先盥洗殘宿不再食器不傳瓦木之器經用必棄金銀銅鐵每加摩瑩饌食既訖嚼楊枝而為淨

轉二

四

枋

澡漱未終無相執觸每有澣滌必事澡濯身塗諸香所謂栴檀鬘金也君王將趨鼓奏絃歌祭祀拜詞沐浴盥洗

詳其文字梵天所製原始垂則四十七言遇物合成隨事轉用流演枝派其源浸廣因地隨人微有改變語其大較未異本源而中印

度特為詳正辭調和雅與天同音氣韻清亮為人軌則隣境異國習謬成訓競欲澆俗莫守淳風至於記言書事各有司存史諸摠稱謂尼羅蔽茶唐言善惡具舉災祥備著而開蒙誘進先遵十二章七歲之後漸授五明大論一曰聲明釋詁訓字詮目流別二曰巧明

伎術機關陰陽曆數三醫方明禁呪閑邪藥石針艾四謂因明考定正邪研覈真偽五曰內明究暢五乘因果妙理其婆羅門學四吠陀論舊曰毗一曰壽謂養生繕性二曰祠謂享祭祈禱三曰平謂禮儀占十兵法軍陣四曰術謂異能伎數禁呪鑿方師必博究精微

貫窮玄奧示之大義導以微言提撕善誘彫朽勵薄若乃識量通敏志懷逋逸則拘繫及關業成後已年方三十志立學成既居祿位先酬師德其有博古好雅肥遁居貞沉浮物外逍遙事表寵辱不驚聲聞已遠君王雅尚莫能屈迹然而國重聰叡俗貴高明褒贊既

轉二

五

枋

隆禮命亦重故能強志為學忘疲遊藝訪道依仁不遠千里家雖豪富志均羈旅口腹之資巡甸以濟有貴知道無恥匱財娛遊惰業媮食靡衣既無令德又非時習恥辱俱至醜聲載揚如來理教隨類得解去聖悠遠正法醇醜任其見解之心俱獲聞知之悟部執峯

峙諱論波騰異學專門殊途同致十有八部
各擅鋒銳大小二乘居止區別有宴默思惟
經行住立定慧悠隔誼靜良殊隨其衆居各
制科防無云律論經紀凡是佛經講宣一部
乃免僧知事二部加上房資具三部差侍者
祇承四部給淨人役使五部則行乘象輿六
部又導從周衛道德既高旌命亦異時集講
論考其優劣彰別善惡黜陟幽明其有商榷
微言抑揚妙理雅辭贈美妙辯敏捷於是馭
乘寶象導從如林至乃義門虛闢辭鋒挫銳
理寡而辭繁義乖而言順遂即面塗赭墜身
坐塵土斥於曠野棄之溝壑旌淑慝亦表
賢愚人智樂道家勤志學出家歸俗從其所
好罹咎犯律僧中科罰輕則衆命訶責次又
衆不與語重乃衆不共住不共住者斥擯不
齒出一住處措身無所羈旅艱辛或返初服
若夫族姓殊者有四流焉一日婆羅門淨行
也守道居貞潔白其操二曰刹帝利王種也

舊曰刹奕世君臨仁恕爲志三日吠奢舊曰
利略也商賈也貿遷有無逐利遠近四曰戍陀羅
也舊曰首農人也肆力疇龍勤身稼穡凡茲四
陀訛也姓清濁殊流婚娶通親飛伏異路內外宗枝
姻媾不雜婦人一嫁終無再醮自餘雜姓寔
繁種族各隨類聚難以詳載

君王奕世唯刹帝利莫弒時起異姓稱尊國
之戰士驍雄畢選子父傳業遂窮兵術居則
宮廬周衛征則奮旅前鋒凡有四兵步馬車
象象則被以堅甲牙施利距一將安乘授其
節度兩卒左右爲之駕馭車乃駕以駟馬兵
帥居乘列卒周衛扶輪挾轂馬軍散禦逐北
轉二六

奔命步軍輕捍敢勇充選負大楯執長戟或
持刀歛前奮行陣凡諸戎器莫不鋒銳所謂
矛盾弓矢刀劍鉞斧戈及長稍輪索之屬皆
世習矣夫其俗也性雖狷急志甚貞質於財
無苟得於義有餘讓懼冥運之罪輕生事之
業詭譎不行盟誓爲信政教尚質風俗猶和

凶悖群小時虧國憲謀危君上事迹彰明則常幽囹圄無所刑戮任其生死不齒人倫犯傷禮義悖逆忠孝則劓鼻截耳斷手則足或驅出國或放流寰自餘各犯輸財贖罪理獄占辭不加荆扑隨問款對據事平科拒違所犯恥過飾非欲究情實事須案者凡有四條

水火稱毒水則罪人與石盛以連囊沉之深流校其真偽人沉石浮則有犯人浮石沉則無隱火乃燒鏡罪人踞上復使足蹈既遺掌案又令舌舐虛無所損實有所傷懦弱之人不堪炎熾捧未開花散之向焰虛則花發實則花焦稱則人石平衡輕重取驗虛則人低

石舉實則石重人輕毒則以一殺羊剖其右髀隨被訟人所食之分雜諸毒藥置剖髀中實則毒發而死虛則毒歇而蘇舉四條之例防百非之路

致敬之式其儀九等一發言慰問二俯首示敬三舉手高揖四合掌平拱五屈膝六長跪

轉二

七

七

七手膝踞地八五輪俱屈九五體投地凡斯九等極唯一拜跪而讚德謂之盡敬遠則稽顙拜手近則舐足摩踵凡其致辭受命奉案長跪尊賢受拜必有慰辭或摩其頂或拊其背善言誨導以示親厚出家沙門既受敬禮唯加善願無止跪拜隨所宗事多有旋繞或

唯一周或復三匝宿心別請數則從欲

凡遭疾病絕粒七日期限之中多有痊愈必未瘳差方乃餌藥藥之性類名種不同醫之工伎占候有異終沒臨喪哀號相泣裂裳拔髮拍額椎膺服制無聞喪期無數送終殯葬其儀有三一曰火葬積薪焚燎二曰水葬沉

流漂散三曰野葬棄林飼獸國王殂落先立嗣君以主喪祭以定上下生立德号死無諱謚喪禍之家人莫就食殯葬之後復常無諱諸有送死以為不潔咸於郭外浴而後入至於年耆壽盡死期將至嬰累沉痾生崖恐極厭離塵俗願棄人間輕鄙生死希遠世路於

是親故知友奏樂餞會泛舟鼓棹濟苑伽河中流自溺謂得生天十有其一未盡鄙見出家僧衆制無號哭父母亡喪誦念酬恩追遠慎終寔資冥福

政教既寬機務亦簡戶不籍書人無徭課王田之內大分爲四一充國用祭祀染盛二以封建輔佐宰臣三賞聰睿碩學高才四樹福田給諸異道所以賦斂輕薄徭稅儉省各安世業俱佃口分假種王田六稅其一商賈逐利來往貿遷津路關防輕稅後過國家營建不虛勞役據其成功酬之價直鎮戍征行官廬宿衛量事招募懸價待入宰牧輔臣庶官

僚佐各有分地自食封邑風壤既別地利亦殊花草果末雜種異名所謂菴沒羅果菴弭羅果末杜迦果跋達羅果劫比他果阿末羅果鎮杜迦果烏曇跋羅果茂遮果那利刺羅果般樓婆果凡厥此類難以備載見珍人世者略舉言焉至於棗栗柅柿印度無聞梨奈

轉二

格

桃杏蒲萄等果迦濕弥羅國已來往往間植石榴甘橘諸國皆樹墾田農務稼穡耕耘播植隨時各從勞逸土宜所出稻麥尤多蔬菜則有薑芥苽瓠葷陀菜等葱蒜雖少噉食亦希家有食者驅令出郭至於乳酪膏酥沙糖石蜜芥子油諸餅麩常所膳也魚羊麀鹿時薦肴載牛驢象馬豕犬狐狼師子猴獾凡此毛群例無味噉噉者鄙恥衆所穢惡屏居郭外希迹人間若其酒醴之差滋味流別蒲萄甘蔗利帝利飲也麴蘖醇醪吠奢等飲也沙門婆羅門飲蒲萄甘蔗漿非酒醴之謂也雜姓卑族無所流別然其資用之器功質有殊什物之具隨時無關雖釜鑊斯用而炊甑莫知多器坏土少用赤銅食以一器衆味相調手指斟酌略無匕箸至於病患乃用銅匙若其金銀鍮石白玉火珠風土所產弥復盈積珍奇雜寶異類殊名出自海隅易以求貨然其貨用交遷有無金錢銀錢貝珠小珠印

度之境壇界具舉風壤之差大略斯在同條
共貫粗陳梗槩異政殊俗據國而叙

濫波國周千餘里北背雪山三垂黑嶺國大
都城周十餘里自數百年王族絕嗣豪傑力
競無大君長近始附屬迦畢試國宜梗稻多
甘蔗林樹雖眾果實乃少氣序漸温微霜無
轉二 九 於

雪國俗豐樂人尚歌詠志性怯弱情懷詭詐
更相欺誚未有推先體貌卑小動止輕躁多
衣白氎所服鮮飾伽藍十餘所僧徒寡少並
多習學大乘法教天祠數十異道甚多從此
東南行百餘里踰大嶺濟大河至那揭羅曷
國北印 度境

那揭羅曷國東西六百餘里南北二百五六
十里山周四境懸隔危險國大都城二十餘
里無大君長主令役屬迦畢試國豐穀稼多
花果氣序温暑風俗淳質猛銳驍雄輕財好
學崇敬佛法少信異道伽藍雖多僧徒寡少
諸窳堵波荒蕪圯壞天祠五所異道百餘人

城東三里有窳堵波高三百餘尺無憂王之
所建也編石特起刻彫奇製釋迦菩薩值然
燈佛敷鹿皮衣布髮掩毳得受記處時經劫
壞斯迹無泯或有齋日天雨眾花群黎心競
或修供養其西伽藍少有僧徒次南小窳堵
波是昔掩毳之地無憂王避大路遂僻建焉

城內有大窳堵波故基聞諸先志曰昔有佛
齒高曠巖麗今既無齒唯餘故基其側有窳
堵波高三十餘尺彼俗相傳不知源起云從
空下峙基於此既非人工寔為靈瑞

城西南十餘里有窳堵波是如來在日中印
度陵虛遊化降迹於此國人感慕建此靈基
其東不遠有窳堵波是釋迦菩薩昔值然燈
佛於此買花

城西南二十餘里至小石嶺有伽藍高堂重
閣積石所成庭宇寂寥絕無僧侶中有窳堵
波高二百餘人無憂王之所建也

伽藍西南深澗峭絕瀑布飛流懸崖壁立東

岸石壁有大洞穴瞿波羅龍之所居也門徑狹小窟穴冥闇崖石津滴磳徑餘流昔有佛影煥若真容相好具足儼然如在近代已來人不徧觀縱有所見髣髴而已至誠祈請有冥感者乃暫明視尚不能久昔如來在世之時此龍爲牧牛之士供王乳酪進奉失宜既

轉二

十

抄

獲譴責心懷恚恨以金錢買花供養受記宰堵波願爲惡龍破國害王即趣石壁投身而死遂居此窟爲大龍王便欲出穴成本惡願適起此心如來已鑒愍此國人爲龍所害運神通力自中印度至龍所龍見如來毒心遂止受不殺戒願護正法因請如來常居此窟諸聖弟子恒受我供如來告曰吾將寂滅爲汝留影遣五羅漢常受汝供正法隱沒其事無替汝若毒心奮怒當觀吾留影以慈善故毒心當止此賢劫中當來世尊亦悲愍汝皆留影像影窟門外有二方石其一石上有如來足蹈之迹輪相微現光明時燭影窟左右

多諸石室皆是如來諸聖弟子入定之處影窟西北隅有窣堵波有如來經行之處其側窣堵波有如來髮爪隣此不遠有窣堵波是如來顯暢真宗說蘊界之處所也影窟西有大盤石如來嘗於其上濯浣袈裟文影微現城東南三十餘里至醯羅城周四五里堅峻

嶮固花林池沼光鮮澄鏡城中居人淳質正信復有重閣畫棟丹楹第二閣中有七寶小窣堵波置如來頂骨骨周一尺二寸髮孔分明其色黃白盛以寶函置窣堵波中欲知善惡相者香末和塗以印頂骨隨其福感其文煥然又有七寶小窣堵波以貯如來髑髏骨

轉二

十一

抄

狀若荷葉色同頂骨亦以寶函緘絡而置又有七寶小窣堵波貯如來眼睛睛大如柰光明清徹暎映中外又以七寶函緘封而置如來僧伽胝袈裟細氎所作其色黃赤置寶函中歲月既遠微有損壞如來錫杖白鐵作鏤旃檀爲筭寶筒盛之近有國王聞此諸物並

是如來昔親服用恃其威力迫憊而歸既至本國置所居宮中曾未浹辰求之已失爰更尋訪已還本處斯五聖迹多有靈異迦畢試王令五淨行給侍香花觀禮之徒相繼不絕諸淨行等欲從虛寂以為財用入之所重權立科條以止誼雜其大略曰諸欲見如來頂

骨者稅一金錢若取印者稅五金錢自餘節級以次科條科條雖重觀禮彌衆

重閣西北有窳堵波不甚高大而多靈怪人以指觸便即搖震連基傾動鈴鐸和鳴從此

東南山谷中行五百餘里至健馱邏國舊曰衛訛也此印度境

健馱邏國東西千餘里南北八百餘里東臨信河國大都城号布路沙布邏周四十餘里王族絕嗣役屬迦畢試國邑里空荒居人稀少官城一隅有千餘戶穀稼殷盛花果繁茂多甘蔗出石蜜氣序温暑略無霜雪人性恒怯好習典藝多敬異道少信正法自古已來

印度之境作論諸師則不那羅延天無著菩薩出親菩薩法救如意脇尊者等本生處也僧伽藍千餘所摧殘荒廢蕪漫蕭條諸窳堵波頗多頽圯天祠百數異道雜居

王城內東北有一故基昔佛鉢之寶臺也如來涅槃之後鉢流此國經數百年式遵供養

流轉諸國在波刺斯城外東南八九里有卑鉢羅樹高百餘尺枝葉扶疏蔭影蒙密過去

四佛已坐其下今猶現有四佛坐像賢劫之中九百九十六佛皆當坐焉冥祇警衛靈鑒

潛被釋迦如來於此樹下南面而坐告阿難曰我去世後當四百年有王命世号迦膩色轉二 十二

迦此南不遠起窳堵波吾身所有骨肉舍利多集此中

卑鉢羅樹南有窳堵波迦膩色迦王之所建也迦膩色迦王以如來涅槃之後第四百年君臨膺運統贍部洲不信罪福輕毀佛法畷遊草澤遇見白兔王親奔逐至此忽滅見有

牧牛小堅於林樹間作小窰堵波其高三尺
王曰汝何所爲牧堅對曰昔釋迦佛聖智懸
記當有國王於此勝地建窰堵波吾身舍利
多聚其內大王聖德宿殖名符昔記神功勝
福允屬斯辰故我今者先相警發說此語已
忽然不現王聞是說喜慶增懷自負其名大

聖先記因發正信深敬佛法周小窰堵波處
建石窰堵波欲以功力彌覆其上隨其數量
恒出三尺若是增高踰四百尺基址所峙周
一里半層基五級高一百五十尺方乃得覆
小窰堵波王用喜慶復於其上更起二十五
層金銅相輪即以如來舍利一斛而置其中

式修供養營建纒訖見小窰堵波在大基東
南隅下傍出其半王心不平便即擲棄遂住
窰堵波第二級下石基中半現復於本處更
出小窰堵波王乃退而歎曰嗟夫人事易迷
神功難掩靈聖所扶憤怒何及慙懼既已謝
咎而歸其二窰堵波今猶現在有嬰疾病欲

轉二

十三

抄

祈康愈者塗香散花至誠歸命多蒙瘳差大
窰堵波東面石陛南鑊作二窰堵波一高三
尺一高五尺規模形狀如大窰堵波又作兩
軀佛像一高四尺一高六尺擬菩提樹下加
跌坐像日光照燭金色晃耀陰影漸移石文
青紺聞諸耆舊日數百年前石基之隙有金
色蟻大者如指小者如麥同類相從齧其石
壁文若彫鏤厠以金沙作爲此像今猶現在
大窰堵波石陛南面有畫佛像高一丈六尺
自曾已上分現兩身從曾已下合爲一體聞
諸先志曰初有貧士備力自濟得一金錢願
造佛像至窰堵波所謂畫工曰我今欲圖如
來妙相有一金錢酬工尚少宿心憂負迫於
貧乏時彼畫工鑿其至誠無云價直許爲成
功復有一人事同前迹持一金錢求畫佛像
畫工是時受二人錢求妙丹青共畫一像二
人同日俱來禮敬畫工乃同指一像示彼二
人而謂之曰此是汝所作之佛像也二人相

視若有所懷盡工心知其疑也謂二人曰何思慮之久乎凡所受物毫釐不虧斯言不謬像必神變言聲未靜像現靈異分身交影光相昭著二人悅服心信歡喜大窳堵波西南百餘步有白石佛像高一丈八尺北面而立多有靈相數放光明時有人見像出夜行旋繞大窳堵波近有群賊欲入行盜像遂出迎賊賊黨怖退像歸本處住立如故群盜因此改過自新遊行邑里具告遠近

大窳堵波左右小窳堵波魚鱗百數佛像莊嚴務窮工思殊香異音時有聞聽靈仙聖賢或見旋繞此窳堵波者如來懸記七燒七立佛法方盡先賢記曰成壞已三初至此國適遭火災當見營構尚未成功大窳堵波西有故伽藍迦膩色迦王之所建也重閣累樹層臺洞戶旌召高僧式昭景福然雖圯毀尚曰奇工僧徒減少並學小乘自建伽藍異人間出諸作論師及證聖果清風尚扇至德無浪

轉二

十四

抄

第三重閣有波栗濕縛唐言尊者室久已傾頓尚立旌表初尊者之為梵志師也年垂八十捨家染衣城中少年便謂之曰愚夫朽老一何淺智夫出家者有二業焉一則習定二乃誦經而今裴耄無所進取濫迹清流徒知飽食時勝尊者聞諸譏議因謝時人而自誓曰我若不通三藏理不斷三界欲得六神通具八解脫終不以勝而至於席自介之後唯日不足經行宴坐住立思惟晝則研習理教夜乃靜慮凝神綿歷三歲學通三藏斷三界欲得三明智時人敬仰因号勝尊者焉

勝尊者室東有故房世親菩薩於此製阿毗達磨俱舍論人而敬之封以記焉

世親室南五十餘步第二重閣末旻曷利他唐言論師於此製毗婆沙論論師以佛涅槃之後一千年中利見也少好學有才辯聲聞遐被法俗歸心時室邏伐悉底國毗訖羅摩阿迭多王唐言威風遠洽使臣諸印度日以

五億金錢周給貧窶孤獨主藏臣懼國用乏
匱也乃諷諫曰大王威被殊俗澤及昆蟲請
增五億金錢以賑四方匱乏府庫既空更稅
有土重斂不已怨聲載揚則君上有周給之
恩臣下被不恭之責王曰曩有餘給不足非
苟為身侈靡國用遂加五億惠諸貧乏其後

轉二

十五

松

改遊逐豕失蹤有尋知迹者償一億金錢如
意論師一使人剃髮輒賜一億金錢其國史
臣依即書記王恥見高心常怏怏欲罪辱如
意論師乃招集異學德業高深者百人而下
令曰欲收視聽遊諸真境異道紛雜歸心靡
措今考優劣專精遵奉洎乎集論重下令曰

外道論師並英俊也沙門法眾宜善宗義勝
則崇敬佛法負則誅戮僧徒於是如意詰諸
外道九十九人已退飛矣下席一人視之蔑
如也因而劇談論及火煙王與外道咸誼言
曰如意論師辭義有失夫先煙而後及火此
事理之常也如意雖欲釋難無聽鑒者恥見

衆辱齟斷其舌乃書誠告門人世親曰黨接
之衆無競大義群迷之中無辯正論言畢而
死居未久超日王失國興王膺運表式英賢
世親菩薩欲雪前恥來白王曰大王以聖德
君臨為含識主命先師如意學窮玄奧前王
宿憾衆挫高名我承導誘欲復先怨其王知

如意哲人也美世親雅操焉乃召諸外道與
如意論者世親重述先旨外道謝屈而退

迦膩色迦王伽藍東北行五十餘里渡大河
至布色羯邏伐底城周十四五里居人殷盛
閭閻洞連城西門外有一天祠天像威嚴靈
異相繼城東有窰堵波無憂王之所建也即

過去四佛說法之處先古聖賢自中印度降

神導物斯地寔多即伐蘇蜜咀羅

唐言世友
舊言和須

四五里有故伽藍庭宇荒涼僧徒寡少然皆

遵習小乘法教即達磨咀邏多

唐言法救舊
曰達磨多羅

也論師此製雜阿毗達磨論伽藍側有窰堵

波高數百尺無憂王之所建也彫木文石頗異人工是釋迦佛昔為國王修菩薩行從衆生欲惠施不倦喪身若遺於此國土千生為王即斯勝地千生捨眼捨眼東不遠有二石窠堵波各高百餘尺右則梵王所立左乃天帝所建以妙珍寶而瑩飾之如來寂滅寶變

轉二

十六

松

為石基雖傾陷尚曰崇高梵釋窠堵波西北行五十餘里有窠堵波是釋迦如來於此化鬼子母令不害人故此國俗祭以求嗣化鬼子母北行五十餘里有窠堵波是商莫迦菩薩舊曰跋摩恭行鞠養待盲父母於此採果遇王畋遊獵毒矢誤中至誠感靈天帝傳藥

德動明聖尋即復蘇

商莫迦菩薩被害東南行二百餘里至跋虜

沙城城北有窠堵波是蘇達拏太子唐言善牙以

父王大象施婆羅門蒙譴被擯顧謝國人既

出郭門於此告別其側伽藍五十餘僧並小

乘學也昔伊儼伐邏唐言自在論師於此製阿毗

達磨明證論

跋虜沙城東門外有一伽藍僧徒五十餘人

並大乘學也有窠堵波無憂之所建立也昔

蘇達拏太子擯在彈多落迦山舊曰檀特山說之也婆

羅門乞其男女於此鬻賣跋虜沙城東北二

十餘里至彈多落迦山嶺上有窠堵波無憂

王所建蘇達拏太子於此棲隱其側不遠有

窠堵波太子於此以男女施婆羅門婆羅門

捶其男女流血染地今諸草木猶帶絳色巖

間石室太子及妃習定之處谷中林樹垂條

若帷並是太子昔所遊止其側不遠有一石

廬即古仙人之所居也仙廬西北行百餘里

轉二

十七

杉

越一小山至大山山南有伽藍僧徒甚少並

學大乘其側窠堵波無憂王之所建也昔獨

角仙人所居之處仙人為姪女誘亂退失神

通姪女乃駕其肩而還城邑

跋虜沙城東北五十餘里至崇山山有青石

大自在天婦像毗摩天女也聞諸士俗曰此

天像者自然有也靈異既多祈禱亦衆印度諸國求福請願貴賤畢萃遠近咸會其有願見天神形者至誠無貳絕食七日或有得見求願多遂山下有大自然在天祠塗灰外道式修祠祀毗摩羅天祠東南行百五十里至烏鐸迦漢茶城周二十餘里南臨信度河居人富樂寶貨盈積諸方珍異多集於此

烏鐸迦漢茶城西北行二十餘里至婆羅觀邏邑是製聲明論波你尼仙本生處也遂古之初文字繁廣時經劫壞世界空虛長壽諸天降靈導俗由是之故文籍生焉自時厥後其源泛濫梵王天帝作則隨時異道諸仙各

製文字人相祖述競習所傳學者虛功難用詳究人壽百歲之時有波你尼仙生知博物愍時澆薄欲削浮僞刪定繁猥遊方問道遇自在天遂伸述作之志自在天曰盛矣哉吾當祐汝仙人受教而退於是研精覃思摛摛群言作爲字書備有千頌頌三十二言矣究

極今古摛括文言封以進上王甚珍異下令國中普使傳習有誦通利賞千金錢所以師資傳授盛行當世故此邑中諸婆羅門碩學高才博物強識

婆羅觀邏邑中有窳堵波羅漢化波你尼仙後進之處如來去世垂五百年有大阿羅漢

自迦濕弥羅國遊化至此乃見梵志捶訓稚童時阿羅漢謂梵志曰何苦此兒梵志曰今學聲明業不時進阿羅漢道余而笑老梵志曰夫沙門者慈悲爲情愍傷物類仁今所笑願聞其說阿羅漢曰談不容易恐致深疑汝頗嘗聞波你尼仙製聲明論垂訓於世乎婆

轉二

十八

抄

羅門曰此邑之子後進仰德像設猶存阿羅漢曰今汝此子即是彼仙猶以強識翫習世典唯談異論不究真理神智唐捐流轉未息尚乘餘善爲汝愛子然則世典文辭徒疲功績豈若如來聖教福智冥滋曩者南海之濱有一枯樹五百蝙蝠於中穴居有諸商侶止

